



Broj: 20-04-5587-106/22
Sarajevo, 30.05.2022. godine

SKUPŠTINA KANTONA SARAJEVO
KABINET PREDJEDAVAJUĆEG I ZAMJENIKA PREDSJEDAVAJUĆEG
SKUPŠTINE KANTONA SARAJEVO
n/r Predsjedavajućeg Skupštine

Predmet: Zastupnička inicijativa zastupnice Neire Dizdarević, Informacija, dostavlja se.-

Veza: Vaš akt broj: 01-04-5587-19/22 od 24.02.2022. godine

Uredbom o osnivanju Ureda za borbu protiv korupcije i upravljanje kvalitetom Kantona Sarajevo („Službene novine Kantona Sarajevo“, broj: 40/20-Prečišćeni tekst) propisane su nadležnosti Ureda za borbu protiv korupcije i upravljanje kvalitetom Kantona Sarajevo (u daljem tekstu: Ured). Član 5. citirane Uredbe propisuje da je Ured nadležan za preduzimanje aktivnosti na prevenciji korupcije kao i prikupljanju podataka i informisanju nadležnih o uočenim radnjama koje mogu imati koruptivne elemente, te za postupanje po prijavama prema institucijama u svrhu provjere, prikupljanja podataka i prosljeđivanja istih nadležnim organima i institucijama.

Zastupnica u Skupštini Kantona Sarajevo Neira Dizdarević, dana 22.02.2022. godine, u skladu sa članom 213. Poslovnika Skupštine Kantona Sarajevo, na 48. Radnoj sjednici Skupštine Kantona Sarajevo, uputila je zastupničku inicijativu Uredu za borbu protiv korupcije i upravljanje kvalitetom Kantona Sarajevo koja glasi:

„Molim Ured za borbu protiv korupcije da u okviru svoje nadležnosti izvrši nadzor nad postupanjem KJKP Vodovod i kanalizacija, kao i Ministarstva komunalne privrede, infrastrukture, prostornog uređenja, građenja i zaštite okoliša zbog toga što je nadležno resorno ministarstvo i gore pomenuto preduzeće propustilo uspostaviti ekonomsku cijenu vode za urbani dio Bjelašnice koji treba biti višestruko veći zbog potrošnje električne energije za pumpe koje vodu moraju dopremiti sa izvorišta Sarajevsko polje na veliku nadmorsku visinu i time se nanosi ekonomska šteta preduzeću, kao i diskriminacija ostalih potrošača.“

U cilju provjere, prikupljanja relevantnih podataka i dostavljanja odgovora zastupnici, Ured se dana 09.03.2022. godine obratio Ministarstvu komunalne privrede, infrastrukture, prostornog uređenja, građenja i zaštite okoliša Kantona Sarajevo, kao nadležnom ministarstvu, da dostave stav i izjašnjenje o navedenom u zastupničkoj inicijativi. Ured je zatražio i podatak o načinu formiranja cijene vode i relevantne propise na osnovu kojih se ista utvrđuje. Pored navedenog, zatražen je podatak da li je vršen nadzor nad formiranjem cijene vode od strane KJKP „Vodovod i kanalizacija“, kao i druge relevantne podatke u odnosu na navode iz zastupničke inicijative.

Navedeno Ministarstvo je dostavilo Informaciju Uredu broj: 05-20-04-230-396/22 od 29.04.2022. godine, te je u prilogu dostavljen odgovor KJKP „Vodovod i kanalizacija“ d.o.o. Sarajevo, kao i Rješenje o imenovanju Neovisnog stručnog tijela Vlade Kantona Sarajevo za utvrđivanje validnosti kalkulacije i visine cijene usluga vodosnadbjevanja pitkom vodom, odvodnji i

pročišćavanju otpadnih voda za korisnike KJKP „Vodovod i kanalizacija“ d.o.o. Sarajevo, broj: 02-04-15900-33/22 od 14.04.2022. godine.

Ured se dana 09.03.2022. godine obratio KJKP „Vodovod i kanalizacija“ d.o.o. Sarajevo, sa zahtjevom za dostavu informacije o preduzetim radnjama KJKP „Vodovod i kanalizacija“, a u vezi sa navodima iz zastupničke inicijative, te podatak o načinu formiranja cijene vode i zakonske propise na osnovu kojih se ista utvrđuje, kao i druge relevantne podatke u odnosu na navedeno.

Dana 21.03.2022. godine Ured je zaprimio odgovor od KJKP „Vodovod i kanalizacija“ d.o.o. Sarajevo u kojem je navedeno:

-Nadzorni odbor je na 15. sjednici, održanoj dana 31.03.2017. godine utvrdio Tarifni sistem KJKP „Vodovod i kanalizacija“ d.o.o. Sarajevo s metodologijom obračuna isporučene vode za piće, te usluge odvođenja i prečišćavanja otpadnih voda. U Okviru Prijedloga nalazi se i Prijedlog cijene vodnih usluga za Opštinu Trnovo- lokalitet Bjelašnica i Igman.

-Dopisom broj: 2538/17 od 11.04.2017. godine prvi put je navedeni Prijedlog tarifnog sistema KJKP „Vodovod i kanalizacija“ d.o.o. Sarajevo s metodologijom obračuna isporučene vode za piće, te usluga odvođenja i prečišćavanja otpadnih voda dostavljen Ministarstvu komunalne privrede i infrastrukture Kantona Sarajevo.

-Dopisom broj: 254/18 od 09.05.2018. godine drugi put je naveden Prijedlog tarifnog sistema KJKP „Vodovod i kanalizacija“ d.o.o. Sarajevo s metodologijom obračuna isporučene vode za piće, te usluga odvođenja i prečišćavanja otpadnih voda dostavljen Ministarstvu komunalne privrede i infrastrukture Kantona Sarajevo.

-Dopisom broj: 27-14-21756/18 od 14.05.2018. godine Ministarstvo komunalne privrede i Kantona Sarajevo potvrđuje da je zaprimilo Prijedlog tarifnog sistema. U istom aktu je navedeno da je potrebno dostaviti i Prijedlog cjenovnika usluga, po osnovu predloženog Tarifnog sistema usluga, kako bi se isti uputio u dalje razmatranje i usvajanje.

-Međutim, KJKP „Vodovod i kanalizacija“ d.o.o. Sarajevo navodi da nisu dobili povratnu informaciju od Ministarstva da je predloženi Tarifni sistem upućen na dalje razmatranje i usvajanje, jer prema članu 22., stav 1. i stav 5. Zakona o komunalnim djelatnostima („Službene novine Kantona Sarajevo“, broj: 14/16, 43/16, 10/17-isp., 19/17, 20/18 i 22/19):

-,Visinu cijene i način plaćanja komunalne usluge predlaže davalac komunalne usluge, na temelju detaljne kalkulacije...

-Validnost kalkulacije i konačan prijedlog visine cijene komunalnih usluga utvrđuje neovisno stručno tijelo Vlade Kantona, Grada odnosno općine, a stvarnu cijenu komunalnih usluga određuje i usvaja Vlada Kantona, gradsko odnosno općinsko vijeće, u skladu sa nadležnostima iz čl. 7., 8. i 9. ovog zakona.“

Rješenjem o imenovanju Neovisnog stručnog tijela Vlade Kantona Sarajevo za utvrđivanje validnosti kalkulacije i visine cijene usluga vodosnadbjevanja pitkom vodom, odvodnji i pročišćavanju otpadnih voda za korisnike KJKP „Vodovod i kanalizacija“ d.o.o. Sarajevo, broj: 02-04-15900-33/22 od 14.04.2022. godine u tački III dat je Zadatak Neovisnom stručnom tijelu da dostavi Vladi Kantona Sarajevo utvrđenu validnost kalkulacije i konačan prijedlog visine cijene komunalnih usluga/visinu tarifnih stavova za cijenu usluge vodosnadbjevanja pitkom vodom, odvodnji i prečišćavanju otpadnih voda za korisnike KJKP „Vodovod i kanalizacija“ d.o.o. radi određivanja i usvajanja stvarne cijene komunalnih usluga od strane Vlade Kantona Sarajevo. Neovisno stručno tijelo Vlade Kantona Sarajevo je imenovano na period od 1 godine od dana donošenja Rješenja.

Iz prethodno navedenog se može zaključiti da je Nadzorni odbor KJKP „Vodovod i kanalizacija“ d.o.o. Sarajevo dana 31.03.2017. godine utvrdio Prijedlog Tarifnog sistema navedenog preduzeća, te da je isti dana 09.05.2018. godine nakon cjelovitog ponovnog sagledavanja nove Radne grupe (koja je u cijelosti ostala kod radnije datog prijedloga Tarifnog sistema) po inicijativi Ministarstva, dostavljen Ministarstvu komunalne privrede i infrastrukture.



U vremenskom periodu od zaprimanja Prijedloga tarifnog sistema od strane Ministarstva komunalne privrede i infrastrukture Kantona Sarajevo do dana donošenja Rješenja o imenovanju Neovisnog stručnog tijela Vlade Kantona Sarajevo za utvrđivanje validnosti kalkulacije i visine cijene usluga vodosnadbjevanja pitkom vodom, odvodnji i pročišćavanju otpadnih voda za korisnike KJKP „Vodovod i kanalizacija“ d.o.o. Sarajevo, prema dostavljenim podacima, postupak je mirovao.

Uvidom u relevantne propise, proizilazi da se Zakonom o komunalnim djelatnostima određuju komunalne djelatnosti, načela, način obavljanja i finansiranja, te druga pitanja od značaja za uspješno obavljanje komunalnih djelatnosti na području Kantona Sarajevo. U navedenom Zakonu u poglavlju *I Cijena* za komunalne djelatnosti, definisan je postupak formiranja cijene komunalne usluge, na način da visinu cijene i način plaćanja komunalne usluge predlaže davalac komunalne usluge, dok validnost kalkulacije i konačan prijedlog visine cijene komunalnih usluga utvrđuje neovisno stručno tijelo Vlade Kantona, Grada odnosno općine, a stvarnu cijenu komunalnih usluga određuje i usvaja Vlada Kantona, gradsko odnosno općinsko vijeće, u skladu sa nadležnostima iz čl. 7., 8. i 9. ovog zakona. Također u istom Zakonu je navedeno da ukoliko se cijena usluge utvrdi u nižem iznosu od stvarne cijene koštanja, razliku sredstava će nadoknaditi Kanton, Grad, odnosno općina.

Ured ističe da je navedeno Ministarstvo u skladu sa članom 41. Zakona o komunalnim djelatnostima nadležno da vrši nadzor nad provođenjem odredaba ovog zakona, te da vrši nadzor nad primjenom propisa koji se odnose na komunalnu oblast, te daje mišljenja i sugestije za stručno regulisanje ove oblasti i vrši nadzor nad radom preduzeća koje obavljaju komunalne djelatnosti.


Iz navedenih propisa, proizilazi da Vlada Kantona Sarajevo na osnovu odredbi Zakona o komunalnim djelatnostima ima **isključivu nadležnost da u konačnosti određuje i usvaja stvarnu cijenu komunalnih usluga.**

Primarna nadležnost Ureda je preduzimanje aktivnosti na prevenciji korupcije kao i prikupljanju podataka i informisanju nadležnih o uočenim radnjama koje mogu imati koruptivne elemente, te za postupanje po prijavama prema institucijama u svrhu provjere, prikupljanja podataka i prosljeđivanja istih nadležnim organima i institucijama, te shodno navedenom, **Ured nema nadležnost da vrši nadzor nad radom KJKP „Vodovod i kanalizacija“ i Ministarstva komunalne privrede, infrastrukture, prostornog uređenja, građenja i zaštite okoliša, u odnosu na uspostavljanje ekonomske cijene vode, prvenstveno jer Ured nije nadležan da vrši nadzor nad provođenjem odredbi Zakona o komunalnim djelatnostima.** Postupak i način usvajanja cijene komunalnih usluga je jasno i precizno uređen pozitivnim pravnim propisima, kao i organ nadležno da vrši nadzor nad provođenjem odredabi Zakona o komunalnim djelatnostima, te bi postupanje Ureda u konkretnom slučaju bilo u suprotnosti sa istim.

S poštovanjem,

Dostaviti:

1. Naslovu;
2. Stručnoj službi Vlade Kantona Sarajevo;
3. a/a.



POŠTOVANJE

Arak Sanbegovic